

翼城縣志

建置沿革

郡邑名稱代有更易歷朝建置分合靡常志輿地者必詳考累代興廢名稱之異同與夫隸屬之系統區域劃分之始末乃能確定其疆域之位置通志於輿地之沿革既繪為圖又復為之譜為之考詳而又詳誠以茲事所關至鉅非可苟焉已也翼自唐堯受封以至民國成立或為郡國或為縣邑或置而廢或廢而復證之歷史時分時合名稱不一其間地勢變遷犬牙相錯欲製為圖考據本難今特採輯諸志舊說之可宗者依時代先後敘其概略冠諸篇首俾考古者易於明

翼城縣志

卷一

建置沿革

一

瞭云

謹按翼在禹貢冀州之域堯受封於此號陶唐

通志堯生於丹陵高

辛氏第二子姓伊者名放勳年十三封陶十有五封唐為唐侯十有六為天子號陶唐氏禹封丹朱於

此因名曰唐

路史夏后封丹朱於唐如虞之禮

今縣西唐城村其故都也

至周成王五年唐有亂周公滅之遷堯子孫於杜成王戲

翦桐葉為珪封其弟叔虞於唐建都翺翺山下以山形如

鳥舒翼故名翼城

舊志翺羊對峙如鳥舒翼因名曰翼

即今之故城村是也

自堯至此皆名唐洎唐叔子燮父徙居晉水旁改國曰晉

是為晉侯

毛詩譜以堯墟南有晉水故名晉括地志平陽河水亦名晉水

遞傳至孝侯

以下仍號翼至緡侯為曲沃武公所併遂改翼為絳而都

於翼秦漢以來屬河東郡縣名因之高帝封周勃於絳治在絳縣此地入絳東漢增名絳邑縣隸河東郡魏晉以後屬平陽郡後魏孝明帝熙平二年置北絳縣在今北絳村地隸北絳郡北齊後周不改隋開皇三年罷郡爲晉州十六年改爲翼城縣隸絳州義寧元年復置翼城郡唐武德元年郡廢置澮州二年尋改爲北澮州四年州廢爲翼城縣仍隸絳州天佑二年復名澮州後唐長興元年徙治王逢寨卽今縣治是也宋改爲翼城縣隸絳州金興定四年改翼州又置隆化縣以隸焉卽今隆化村是及至元復爲翼城縣隸絳州至明初洪武己酉改隸平陽府戊申詔籍天下戶口乃定疆域清代因之民國成立廢府州制凡縣皆直轄於道山西省共分三道翼城縣隸河東道迨十六年夏改爲二級制道亦取消茲據舊志所載何時隸何郡何代稱何名詳加考正創立一封建表並附沿革於後庶眉目清晰閱者瞭如指掌矣

歷代封建表

時代	封職	隸屬部郡國	縣邑	他邑之分合	備考
唐	唐侯堯冀州	唐		合翼與浮山 南爲國都今 南堯都村	王世家謂堯生於翼之丹陵後又受封爲唐侯括地志唐故城在翼城縣西二十里卽今唐城村也

翼城縣志

卷一 建置沿革

虞

冀州

唐

舊志舜封堯子朱於丹陵封其裔子於唐使續堯後又路史云虞氏國之於房為房侯以奉其祀夏后封之唐如虞之禮是朱之封唐在夏時不在舜時矣裔子指誰暫從闕

唐侯豕韋氏

冀州

唐

姓彭祝融之後丹朱之裔既衰豕韋氏遂侯於此都冀覆釜山南曰葦溝即今葦溝村數傳失國遷於東郡白馬縣

夏

唐侯御龍氏

冀州

唐

姓劉名累堯子丹朱後居龍藝村夏孔甲時天降二龍累以養龍術事孔甲孔甲賜曰御龍氏以夏豕韋之後為唐侯都冀之西曰龍唐即今龍唐村

唐侯豕韋氏

冀州

唐

彭姓之後劉累因一龍死潛醢以食孔甲孔甲享之美既而使更求之累懼乃遷魯縣彭姓之豕韋氏遂復國

翼城縣志

卷一

建置沿革

三

商

唐侯豕韋氏

冀州

唐

劉累之後商滅彭姓豕韋氏累後復承其國亦號曰豕韋氏

唐侯叔虞

冀州

唐

累後至末世之君曰叔虞唐亂周公滅之遷其裔於杜是為唐杜氏按此乃劉累之後裔非周成王弟也

周

唐侯叔虞

唐

初都隆唐尋徙冀翼之名始此

地兼翼曲絳為一

晉世家唐有亂周公滅之成王與叔虞戲翳桐葉為珪與叔虞曰以此封若史佚因請擇日立為唐侯叔虞姓姬字子于成王弟也舊志云遷朔翳山下即今故城村史記云翼杜預亦曰絳邑縣東翼城是

晉侯豕父

晉國

都翼

翼沃絳合

唐侯叔虞子國都城記變父徙居晉水旁毛詩譜以姚墟南有晉水改曰晉國括地志平陽河水一名晉水

翼城縣志

卷一 建置沿革

四

武侯寧族	成侯服人	厲侯福	靖侯宜白	釐侯司徒	獻侯籍	穆侯費王
晉國	晉國	晉國	晉國	晉國	晉國	晉國
都翼	都翼	都翼	都翼	都翼	都翼	徙都絳翼 即今翼治非絳州也
翼沃絳合	翼沃絳合	翼沃絳合	翼沃絳合	翼沃絳合	翼沃絳合	翼沃絳合
晉侯燮子	武侯寧族子	成侯服人子自唐叔至此年世失考	厲侯福子在位一十八年	靖侯宜白子在位一十八年	釐侯司徒子在位十一年	獻侯籍子娶齊女姜氏為夫人生太子命名曰仇生少子命名曰成師在位二十七年
穆侯費王弟穆侯卒殤叔自立三年太子仇率其徒襲而逐之	穆侯費王長子逐殤叔而君晉在位三十五年	文侯仇子元年復改名翼封文侯弟成師於曲沃號曰桓叔七年晉臣潘父弑昭侯而迎桓叔桓叔欲入晉晉人發兵攻之敗歸曲沃	晉人立昭侯子平為孝侯初即位誅潘父在位十一年曲沃桓叔子莊伯伐翼弑孝侯晉人攻莊伯莊伯復入曲沃	翼城之名始此	復改絳名翼以翼為晉舊都也	桓叔封於曲沃故沃歸桓叔管
殤叔	文侯仇	昭侯伯	孝侯平	翼城	晉國	翼與沃分

鄂侯郟

晉國

翼城

翼與沃分

晉人立孝侯于郟為鄂侯在位六年本號翼侯按左傳曲沃莊伯伐翼翼侯奔隨秋王命虢公伐曲沃而立翼侯子光於翼六年翼頃父之子嘉父迎翼侯於隨不得復入翼納諸鄂晉人謂之鄂侯杜預云鄂晉之別邑也

哀侯光

晉國

翼城

翼與沃分

鄂侯郟子虢公所立九年曲沃莊伯子武公伐晉於汾旁虢哀侯尋使其臣韓萬弑之

小子侯

晉國

翼城

翼與沃分

哀侯光子晉人立之在位四年曲沃武公誘召而弑之周桓王使虢仲伐曲沃武公虢仲乃立哀侯弟緡為君

晉侯緡

晉國

翼城

翼與沃分

鄂侯郟子為虢仲所立即位二十八年曲沃武公伐滅之子孫易姓侯氏一奔他國一匿曹公山中而叔虞之嫡嗣絕矣

武公稱

晉國

都翼

翼沃絳地
復合為一

桓叔成師孫莊伯子滅翼承其國史記武公盡以其寶器賂周釐王王乃命為晉君列為諸侯於是盡併晉地而有之始都晉國在位二年按晉國舊都在翼武公今始都此

春秋

獻公詭諸

晉國

故翼城

徙都絳即故絳亦翼境也

翼沃絳合

武公稱子在位二十六年史記士焉說獻公曰故晉之羣公子多不誅亂且起於是獻公盡殺諸公子於聚使士焉城絳以深其宮而徙都於絳以翼為故翼城

卓子

晉國

故翼城

都絳

翼沃絳合

獻公少子奚齊弟也獻公卒里克殺奚齊於地次荀息立卓子以葬獻公里克弑於朝

惠公夷吾

晉國故翼城翼沃絳台

獻公子以驪姬故奔屈又亡走梁後里克殺奚齊卓子使人迎夷吾於梁夷吾許封以汾陽之邑又約秦發兵送之齊桓公亦使隰朋會秦送夷吾立為晉君是為惠公既立而殺里克背秦賂在位十四年

懷公圉

晉國故翼城翼沃絳台

惠公夷吾子圉質於秦聞惠公病逃歸晉卒因得立是為懷公秦怨之求得公子重耳納焉懷公奔高梁丁未文公入絳即位使人殺懷公於高梁按高梁在今洪洞縣

文公重耳

晉國故翼城翼沃絳台

獻公詭諸子少好士有賢士五人以驪姬故奔蒲城獻公使寺人披往殺復奔狄惠公又使往殺重耳乃亡歷諸國凡十九年及至秦秦以兵納重耳入晉即位於絳是為文公其後侵曹伐衛遂霸諸侯在位九年

襄公歡

晉國故翼城翼沃絳台

文公重耳子史記襄公元年秦襲鄭襄公敗秦師於殽秦三將既而遣之先軫曰患生矣乃追秦將已渡河卒不反後秦報殽之敗伐晉取王官封殺尸而去晉不敢出七年八月襄公卒

都絳

都絳

翼城縣志 卷一 建置沿革 七

靈公夷泉	襄公歎子晉人以難故欲立長君太子母繆嬴抱太子出朝適趙盾所頓首泣曰先君舉此子而屬之子於是趙盾與諸大夫立太子夷泉為靈公及長暴斂不道趙盾等諫弗聽且欲暗殺盾盾奔盾弟穿襲弒靈公於桃園
晉國故翼城翼沃絳合	郡絳

成公黑臀	晉國故翼城翼沃絳合	郡絳	文公重耳少子襄公之弟趙盾使弟趙穿迎於周而立之是為成公在位七年
------	-----------	----	--------------------------------

景公據	晉國	遷都新田命名曰絳至是以絳為故絳而以新田為絳焉	成公黑臀子左傳景公立十五年謀去故絳諸臣欲居郕瑕氏地韓獻子謂不如新田土厚水深居之不疾公悅從之遷於新田復命曰絳而以翼為故絳焉按郕瑕氏之地在今臨晉縣新田即今曲沃
翼沃絳合			

國戰	初屬韓旋屬趙後屬魏	魏國	故絳縣	韓趙魏分晉地為三後全屬魏有	韓趙魏三家滅晉後其地屬魏史記韓世家懿侯九年魏敗我潁趙世家成侯十三年魏敗我潁取皮牢春秋時即故絳與新田之郡也又魏世家襄公十二年楚敗我襄陵十三年秦敗我曲沃此與翼皆接壤地則翼屬魏可知
----	-----------	----	-----	---------------	---

秦

河東郡故絳縣

始皇帝二十二年虜魏王二十七年分天下為三十六郡此地屬河東郡邑名因之

楚漢之際

魏王豹

河東郡故絳縣

史記項羽本紀徙魏王豹為西魏王王河東

漢

絳侯周勃

河東郡故絳縣翼沃絳合

按漢時翼沃絳合而未分統治於絳而勃實封於翼之南絳村史記勃食邑八千一百二十戶又高帝三年韓信虜魏王豹定河東五十城初置郡

東漢

邑長

河東郡絳邑縣

合翼沃絳為一邑

舊志載合翼沃絳為一邑設邑長一員而治於絳翼沃皆入焉杜預所謂故絳也

三國

魏設邑長

平陽郡

析河東郡置平陽郡

絳邑縣翼沃絳合

魏志正始八年夏五月分河東之汾北十縣為平陽郡邑制設邑長一員

翼城縣志

卷一 建置沿革

八

晉 邑長

平陽郡絳邑縣翼沃絳合

邑制設邑長一員隸平陽郡翼沃絳俱屬焉

後魏

郡設太守 縣設縣令

北絳郡北絳縣與沃絳分

即今翼治

今邑東北絳村

按魏熙平二年於今翼城置北絳郡領小鄉北絳二縣又於今絳縣置南絳郡並南絳縣又置曲沃縣與聞喜縣同隸正平郡是絳邑縣舊地始分為三矣

北齊

郡設太守 縣設縣令

北絳郡北絳縣

與南絳郡並新安縣合

按北絳郡與北絳縣在今翼地係魏熙平二年所分設至北齊廢新安縣並南絳郡入焉

北周

翼國公

宇文通
元晟

絳州正平郡

北周改為絳州設刺史一員
兼置正平郡設太守一員天
和六年封宇文通為翼國公
大象元年七月元晟以天右
后父封為翼國公

刺史
晉州郡廢

隋開皇三年罷郡為晉州十

八年改為翼城縣絳郡義

寧元年以翼絳復置翼城郡

並置小鄉縣

隋縣令

絳州翼城縣

縣名始此

太守

翼城郡小鄉縣與翼絳合

初為州設刺史一員後為縣
設縣令一員後又有郡設太
守一員後又改縣設縣令一
員

翼城縣志

卷一 建置沿革

九

唐

翼王李綽

順宗子咸
通二年封
三年薨

滄州郡廢

唐武德元年郡廢改

滄州二年改為北滄

州四年州廢縣皆來

屬九年省小鄉入翼

城曾昌四年使王逢

屯兵於故絳城此地

因名為王逢塞天佑

二年復名滄州

州制刺史一員縣制

縣令一縣丞一主簿

一典史一主學一行

營兵馬使一

翼國公

裴居道

女為高宗
太子宏妃
天后時封
載初元年
被害

州廢

翼城縣縣皆來屬

翼城縣省小鄉縣

故絳城

翼城縣公

裴仲先

開元中封

滄州

翼城縣志 卷一 建置沿革 十

後唐	宋	金	元	明	清
州設刺史 縣設縣令	知縣	翼王完 顏鵬懶 <small>太宗子熙 宗時封</small>	達魯化赤	翼城侯 孫岩 <small>永樂中由 應城伯贈</small>	知縣
滄州	絳州	翼州 <small>興定四 年陞</small>	絳州	山西布政司	山西布政司
				平陽府	平陽府
徙治王 逢寨 <small>即古絳城 今翼治</small>	翼城縣	隆化縣 <small>即今隆 化鎮</small>	翼城縣	翼城縣	翼城縣
		垣曲絳縣 <small>隸翼州</small>			
五代梁仍唐制後唐徙治王 逢寨即今翼治後晉後漢後 周俱不改	宋改為翼城縣隸絳州又縣 制知縣一縣丞一主簿一尉 一主學一	金興定四年陞為翼州以垣 曲絳縣隸焉其東北別置隆 化縣即今隆化鎮元光二年 陞為節鎮軍曰翼安州制刺 史縣治較宋少主學一員	元復名翼城縣隸絳州縣制 達魯化赤一員縣尹一縣丞 一主簿一尉一典史一錢穀 使一都監一稅務提領一教 諭一元帥一	明為翼城縣洪武二年改隸 平陽府其縣設官吏為知縣 縣丞典史教諭訓導把總陰 陽學訓術醫學訓術等	縣設知縣典史教諭訓導把 總外委陰陽學訓術醫學訓 術等官吏此清代之縣制也

國民

縣知事 山西省河東道翼城縣

民國成立府州制廢凡縣皆直隸於道山西省共分三道翼城縣屬河東道而縣設之官吏知事而下有警佐承政承審主計縣視學技士宣講員警獄員五區區長等為之佐治焉至十七年道制又取消而縣改為縣政府直隸於省政府矣

沿革考

通志帝堯高辛氏第二子母帝嚳四妃陳豐氏曰慶都感赤龍之祥孕十有四月而生堯於丹陵名放勳育於母家伊侯之國後徙耆故姓伊耆年十三佐帝摯受封於陶十有五封唐為唐翼城縣志

卷一 建置沿革

十一

侯合翼於浮山南為國而都澮南之堯都後遷於晉陽年十有六以侯伯踐帝位都平陽號陶唐氏
按舊志謂堯所封當在晉陽或曰中山唐縣二說非是又王世家謂堯生於翼之丹陵又受封於此為唐侯指丹山為丹陵亦未敢信然翼之為唐無疑舊志載唐在河汾之東故城在今平陽府翼城縣西二十里其說蓋本諸括地志以里數考之當在今故城村澮南堯都指今南堯都村亦尚可信惟晉陽決非翼地可知水經注太原郡治晉陽城秦昭襄王三年立即尚書所謂既修太原者也據此則晉陽在太原固已合之左傳杜預注堯治陶唐在太原府

晉陽縣其說益明或謂薄伐玁狁至於太原當周宣王時太原尙爲戎狄此說殊謬夫禹修太原在唐虞之際禹貢已有明文豈當周時而猶未屬中華乎况朱註云不窮追者蓋謂未至其地非謂太原卽屬玁狁也是知堯始封於翼繼遷太原後爲天子都平陽考之諸說應如是耳又竹書紀年高辛氏四年帝錫唐侯命陶唐氏元年丙子帝卽位居冀帝堯世紀摯登帝位封異母弟放勳爲唐侯摯在位九年政微弱唐侯德盛諸侯歸之摯服其義乃率羣臣造唐而致禪按二說以紀年近是至謂摯服其義乃率羣臣造唐而致禪史不多見未敢遽信以爲然也

翼城縣志

卷一

建置沿革

十一

舊志載唐堯禪天下於虞舜封堯子朱於丹陵封其裔子於唐使續堯後

按舊志載堯禪天下於虞丹朱避之房陵舜讓不克朱遂封於房爲虞賓示弗臣也其說蓋本路史查通典房陵乃古梁州地於翼了不相涉不知舊志何故闌入又王氏世家以裔子封唐指爲丹朱愚意竊謂未然歷考世紀及括地志都城記諸書或言裔子或言別子皆不言丹朱封唐事其所謂裔子別子者或九男之一耳路史云朱兄考監明早亡朱又不肖擇其子之賢者封之以奉先祀當亦世系之所及未可爲或然事也况括地志又云丹朱故城在

鄧州內鄉縣西南百三十里若裔子卽丹朱而封唐亦卽丹朱何括地志云丹朱故城在鄧州乎由此觀之則裔子非丹朱明矣又觀漢書律歷志陶唐氏讓天下於虞封子朱於丹淵爲諸侯鄭樵通志亦曰虞元載封堯之子朱於丹豈翼之丹陵丹山卽其地歟又路史云帝悲子朱不肖使出就丹帝崩虞氏國之於房爲房侯以奉其祀夏后封之唐如虞之禮據此則丹朱在夏以前國在房而不在唐可知王世家謂房陵之右曰唐城得毋以丹陵爲翼地疑房陵亦卽其地乎今並存之以待正於後之核者

夏陶唐氏世衰彭姓之豕韋遂侯於此都葦溝今葦溝村及孔甲時

翼城縣志

卷一 建置沿革

十三

堯後有劉累者以豢龍事孔甲賜姓曰御龍氏更豕韋之後以累爲唐侯都龍唐今龍唐村既而以求龍懼得罪乃遷於魯縣豕韋復國至商而豕韋氏滅累後復承之亦號豕韋氏其季世之君名唐叔虞

按舊志載彭姓豕韋氏祝融之後丹朱之裔既衰豕韋氏遂爲唐侯而立國於翼既得又失既失復得年代世次其詳莫可考劉累之後世亦然路史載丹朱之兄考監明帝堯長子先死而不得立堯庶子九其封於留者爲留氏後有劉累居翼龍藝村時天降二龍孔甲不能食累以豢龍術事孔甲孔甲能飲食喜之賜號御龍氏以更豕韋之後

命爲唐侯都翼之龍唐後一雌龍死累潛醢以食孔甲孔甲享之美使更求之累懼乃遷魯縣左傳杜預註累失國豕韋復國至商豕韋氏滅累之後世裔孫復承其國爲諸侯郡志謂別封劉累之孫於大夏之墟蓋本括地志而與杜註不合應從杜註爲確又左傳云其季世君曰唐叔虞按此乃劉累之後裔與周成王弟名則同而實則非也不得誤爲周叔虞

周成王時唐有亂周公滅之遂遷堯子孫於杜謂之唐杜氏成王卽以其地封弟叔虞爲唐侯初都龍唐今縣西龍唐村尋徙翼地兼翼沃絳爲一

翼城縣志

卷一

建置沿革

十四

按舊志載杜卽今京兆杜縣左傳杜預註周遷堯裔於杜爲杜伯其子隰叔奔晉爲士師遂姓士氏四世及士會食邑於范復爲范氏舊志云叔虞遷都翔翔山下按左傳史記皆云翼杜預亦曰絳邑縣東翼城是其所謂翼則今之故城村也通志以爲在太原誤甚

附張筱樵唐叔封地考

余昔旅行晉祠見夫殘碑斷碣多述唐叔虞受封故事殿內供有虞叔像土人相傳始封於此故立祠祀之余翼人也幼聞父老傳述翼爲桐封舊址在今故城村有叔虞塚在焉且有唐侯祠唐城里唐城坊翦桐里翦桐坊諸地址

足資考證史稱成王封叔虞於唐考舊志唐當在翼自堯迄周皆名爲唐固不自叔虞始也至唐叔子燮父徙居晉水旁始改國曰晉按晉祠故碑載晉水出自懸壘山下故謂叔虞始封晉陽而毛詩譜以堯墟南有晉水又括地志云平陽河水一名晉水據此則與晉祠之晉水本屬二事一南一北風馬牛不相及安得謂此之晉水不在叔虞封地內乎如使叔虞始封果在太原何以叔虞塚唐侯祠均在吾翼而翼之里坊又何以名爲唐城翦桐耶豈毛詩左傳歷史皆不足以取信耶或謂叔虞封唐太原亦在封內是翼距太原七百餘里矣然周初封侯制方百里雖以周公太公之元勳尙不得過何況叔虞爲成王一小弱弟封地豈有如是之大耶是必後人誤會晉水出於晉祠疑唐叔受封卽在太原也

廷彥又按翼邑城內設有四坊一唐城坊取翼爲唐侯封地之義二翦桐坊取周成王戲翦桐葉封弟叔虞之義三同穎坊取唐叔得嘉禾異畝同穎之義惟興賢坊不知取何意義無從考證史記左傳杜預註皆云翼爲唐叔始封獨水經注謂在晉陽引子夏敘詩稱此晉也而謂之唐儉而用禮有堯之遺風焉又引山海經云懸壘之山晉水出焉其上有唐叔虞祠以是謂叔虞封於太原豈知翼不但

有唐侯祠且有叔虞塚乎若以晉水定爲晉國建都地則括地志云平陽河水亦稱晉水矣豈獨一晉祠耶總之翼在唐叔以前謂之唐唐叔而後謂之晉子夏敘詩稱有堯之遺風無非以堯當日受封於翼爲唐侯而其地乃有是俗耳豈謂晉陽耶後人穿鑿附會全不足信

唐叔子燮父改國曰晉是爲晉侯由晉侯而武侯而成侯而厲侯年世皆失考傳至靖侯釐侯獻侯以及穆侯始徙都於絳翼穆侯卒弟殤叔自立太子仇率其徒襲而逐之是爲文侯文侯子昭侯元年復改名翼封文侯弟成師於曲沃號曰桓叔曲沃邑大於翼

翼城縣志

卷一

建置沿革

十六

按唐叔封翼舊志載地兼翼沃絳爲一則傳國至晉侯燮雖則改國曰晉而以子承父其封域之大小如故也晉侯燮徙居晉水旁毛詩譜謂此晉水在堯墟南按當日周封唐叔之地土證之其屬翼境可知八傳至穆侯費王遷於絳翼舊志根據詩譜亦謂此乃翼西之絳卽今翼治非絳州也其理益明何者周初封侯制方百里父傳子子承父世守其業無論如何遷都斷無出此封地範圍以外之理何況晉侯襲封正當周盛之時歷考史志諸書不載晉侯有拓地之事如何晉侯能徙居於故國之外乎據此則晉水之屬翼不屬太原審矣穆侯遷於絳翼則絳翼故唐叔

所封之故址也至昭侯復改名翼無非以翼爲晉舊都猶是復古之意耳當時翼沃絳合而未分自昭侯封桓叔於曲沃翼沃分治沃地大而翼地小是以沃日強而翼日衰也雖欲不爲沃吞得乎

晉潘父弑其君昭侯而迎曲沃桓叔不克晉人立昭侯子平爲孝侯桓叔子莊伯伐翼弑孝侯晉人攻莊伯莊伯復入曲沃晉人立孝侯子郟爲鄂侯鄂侯生哀侯哀侯立莊伯子武公伐晉於汾旁虜哀侯尋又誘殺小子侯至晉侯緡二十八年武公伐翼滅之

按舊志鄂侯本號翼侯在位六年史記晉世家謂鄂侯卒翼城縣志

卷一 建置沿革

十七

乃有莊伯伐翼虢公立鄂侯子光之事考左傳魯隱五年曲沃莊伯伐翼翼侯奔隨秋王命虢公伐曲沃而立哀侯於翼六年翼頃父之子嘉父逆晉侯於隨納諸鄂晉人謂之鄂侯杜預云鄂晉別邑前年周桓王立此侯之子於翼故不得復入翼而別居鄂是則哀侯之立鄂侯未卒明矣晉世家言卒非也從左傳爲是

武公滅翼盡以其寶器賂周釐王

左傳作周僖王

王乃命武公爲諸侯

遂都於翼子獻公盡殺羣公子於聚而徙都於絳以翼爲故翼

城

今名爲故城村

自獻公而下惠公懷公文公襄公靈公成公皆仍舊

至景公十五年謀去絳從韓厥計乃遷新田自是以絳爲故絳